

甯波府志



道光二十六年
李夏重刊

寧波府誌序



疆域爲天下之所同而通
省之險要實係諸此則事
莫大焉制度經前代所屢
更而處置之得宜至今日
始大備則典莫重焉因革

寧波府誌

李序

一

損益文物典章人民物產
凡有關於地方者無不書
此誌書之體例也雖然詳
於細而畧於大繁所輕而
簡所重誇多鬬靡搜奇剔
異於地方緊要國之大經

大制了無發明亦何以昭
國憲而垂法守哉寧郡六
縣縣皆濱海蛟門虎蹲雄
峙海口招寶一山屏障大
洋西南自嶺粵東北達遼
左延袤一萬四千餘里商

船番舶乘潮出沒無不取
道蛟門經由招寶內則聯
絡衆省外則控制東倭通
省之門戶實亦東南一大
關鍵也天之設此

朝定鼎相度形勢

命提督大僚駐劄郡城兼轄水陸二師而寧波遂爲重鎮又特設總兵官鎮守舟山內洋外洋並宿重兵星羅碁布脈絡相承器械甲冑

有定數炮位船艦有定制分操會汛有定期海隅日出之鄉畏威懷德漁鹽商賈無旦夕之警於今垂百年矣豈非大經大制前此數千百年之所未經籌及

亦卽後此數千萬世之所
永宜遵守哉較之前代不
提防於海外而徒事巡哨
不扼要於懸海之舟山而
泛責之沿邊各汛其得失
相去爲何如也今

天子御極之八年命直省並修
通誌余承乏浙省方有事
編纂而寧波郡守曹秉仁
修郡誌適成請序於余余
閱其書見其誌海防兵制
輿圖疆域山川建置形勝

諸篇原委備載綱目畢陳
且能發明

聖朝安內禦外之畧衛民通商
之制事之最大而典之最
重者罔或遺矣至於誌戶
賦則著順庄之便誌海渠


則言塘堰壩閘之利誌鹽
政則詳惠商恤寵之意其
他人官物曲無不繁簡合
宜詳畧得當後之閱是書
者知玉帛來同風波不警
皆由

聖朝經畫處置之盡善自嶺粵
以達遼左皆將以是邦爲
屏翰焉其所關豈一郡哉
若夫考古而得所依據聞
風而知所鼓勵則又所望
於邦之士大夫及民庶也

其書余言以弁是編

太子少保兵部尚書兼都察院
右副都御史總督浙江等
處地方軍務糧餉辦理巡
撫鹽政兼管江南江蘓松
常鎮淮揚七府太倉海邳

通徐五州督捕軍務加八
級紀錄一次又軍功紀錄
一次李衛撰



寧波府誌序

雍正七年六月余由北直順德蒙

恩調守是邦念海疆重地撫綏非易受事以來夙夜祗懼思所以無曠厥職者徼天之幸文武協和年穀成熟民咸勸功樂事凡郡中所當興舉若城垣若學校若月湖書院長春大嵩諸塘礮次第訖功獨念郡誌爲一方文獻

寧波府誌

曹序

一

所關而自前明張大司馬纂修後雖經

國朝邱李二郡守之續修皆未成書責實在守土者且

皇上方有纂修一統誌之舉其何以辭因請於觀察孫公以庚戌季秋開局延薦紳萬九沙太史董其事佐以諸生之有文學者而余與觀察公親

櫛校焉越歲書成壽之梓而序之曰
自書有禹貢周禮有職方氏而後世
郡國之誌以興顧作者之學識有醇
駁文辭有工拙而書之得失見焉今
夫誌地者必詳其山川阨塞農功水
利生齒謠俗之盛衰以爲施政立教
之資此誌之本務也其次則官是土
者之遺業餘烈是邦前賢之道德事

功下至草野細民幽閨婦女一行一
節之美皆所不遺則勸懲之道寓焉
他若奇聞異蹟登臨遊覽之勝譬諸
餽羞之有珍錯玩好之有書畫奇器
雖足動好奇愛博之流連而於本務
則濶矣後之作誌者一切反之誌山
川不原瀦洩誌戶口不究盛衰人物
則賢奸雜列而野廟僧廬達官之墟

寧波府志
卷之四
藝文志
詩
詩者茫然不得要領此數百年來地
各有誌而獨稱康德涵之武功誌者
有以也寧介在海隅夙推浙東之望
郡郡屬舟山爲海道咽喉尤稱險要
自康熙中建設縣治移總兵官建牙
其地遂屹然重鎮我

皇上睿慮周詳比年沿海水陸戍守皆經

寧波府志

藝文志

三

廟謨更定法良意美方大書特書不一書
矣其宦茲土者則任侗陸南金王元
暉吳潛顏願仲諸人世稱名宦代未
嘗絕至是邦之風俗人才則自唐宋
後推衣冠文物之鄉若慶厯之先生
淳熙之君子後先相望何彬彬爾雅
乎其他忠臣烈士孝子貞婦之流風
遺蹟足以貫金石動鬼神者尤所在

皆是也顧紀載之失當前書蓋未能
免故余與 觀察公力持寧簡無煩
寧覈無濫之指而萬太史家傳史法
尤能審取舍輕重之宜以授諸生若
乃刊落繁冗校正魯魚則余兩載中
嘗疲精於是而仁和柴徵士世堂錢
塘汪孝廉坤亦其分勞勩者也今展
卷而

昭代之文德武功疆內山川之險易瀦
洩戶口物產之庶繁是邦名宦先賢
之豐功駿烈下至閭閻纖悉之美大
者燦若日星小者亦如珠璣華實犁
然備具而 宮保制府公與 觀察
公亦許可而命登之梨棗自茲寧之
文獻其有徵矣乎抑聞寧之有誌始
於宋乾道時知州事張

經其後胡尚書之寶慶誌元王總
管元恭之至正續誌皆官是邦者手
勒成書而余鞅掌戴星僅集諸賢之
長以成是編詎敢與張胡諸先達較
文采抑亦藉以免守郡曠職之誚
也是爲序

浙江寧波府知府

級留任富平曹秉

仁撰

寧波府誌

曹序

五



寧波府誌序

今
訓
善
風
自
體

皇帝雍正之十年夏五月予奉

簡命觀察浙東地處海疆日夜悚惕思所
以下慰民情上報

君恩靖恭乃位惟是因地制宜化民成俗
徵於古者方可行於今故廣其諮詢
尤必考其紀載爰屬三府太守與邑

寧波府誌

王序

令亟呈府縣各誌以博覽形勝之險
要民俗之醇漓田畝之賦役江海之
巡防與夫昔賢官斯土者之良法美
意以及山川鍾靈人文代興賢士大
夫之卓卓可稱道者輒不禁畢然高
望而遠志方且懼極盛者難爲繼矣
是年冬至後寧波府太守曹君輯郡
誌告成計三十六卷予受而讀之缺

者補訛者正文減於前事增於後無
逸不收無幽不闡自非才具三長曷
克臻此自我

朝開國以來經制之宏鉅樞筦之綜密
徵令之寬簡兵制之詳備海防之周
匝學校之規條無不宣揚

德澤垂著憲章郁郁乎洵推

昭代制作之盛矣予因之竊重有感者

先高祖太史公嘗修嵩志二卷廣採
耆老之語博搜金石之文八年而後
成其立意發言務在表章先賢以挽
氣運正人心敦風俗爲兢兢凡屬舊
文必曰按舊誌云云其自著則曰王
某云云不敢襲前人之善爲一己之
長而美刺貞淫之辨則立義精嚴不
啻三致意焉乃自康熙二十年後有

仕吾邑某某者不知史裁爲何逞筆
刪削襲舊綴新以致前輩之苦心精
意湮沒不傳識者多譏之夫誌書每
數十年百年而一修又每爲淺陋者
所竄改使作者褒貶予奪維持世道
人心之微言大義無所據而尋繹其
言外之旨可勝惜哉可勝嘆哉獨不
思班孟堅千古推良史才其易史記

八書而爲十志天漢以前仍史記之
舊文天漢以後則孟堅之所自著然
史記自史記漢書自漢書未聞廢史
記而獨存漢書也太守曹君此書發
凡不襲故牒表正獨出新裁融會經
史成一家言後之有志修舉者宜自
續成一書俾曹君此誌並垂千秋則
庶幾吾之願也夫是爲序時

皇清雍正十一年歲在癸丑仲春吉日
賜進士出身中議大夫浙江承宣布政使
司叅政分巡寧紹台道加一級紀錄
三次周南王溯維譔



寧波府誌

王序

四